



UNIVERSITÄTS-  
BIBLIOTHEK  
PADERBORN

**Paraphrasis Psalmorvm Davidis Poetica**

**Buchanan, George**

**Argentorati, M. D. LXVIII.**

**VD16 B 3125**

Psal. CXVI. Dilexi, quoniam exaudiet Dominus uocem orationis meæ, &c.  
Carm. gen. 16.

---

[urn:nbn:de:hbz:466:1-69145](https://nbn-resolving.de/urn:nbn:de:hbz:466:1-69145)

Quos mors teget silentio.  
Nos te parentem agnoscimus, qui spiritu  
Vitalis auræ uescimur.  
Te prosequemur laudibus, dum lucido  
Sol axe terras ambiet.

PSAL. CXVI. *Dilexi, quoniam exaudiens*  
*Dominus uocem orationis meæ, &c.*  
*Carm. gen. 10.*

T Oto pectori diligam  
Unicè & Dominum colam,  
Qui lenis mihi supplici  
Non duram appulit aurem.  
Aurem qui mihi supplici  
Non duram dedit: hunc ego,  
Donec pectora spiritus  
Pulset, semper amabo.  
Iam mors ante oculos erat,  
Iam stabam super aggerem  
Busti, iam dolor anxius  
Omni ex parte premebat:  
Expes tum prece supplice  
Oraui Dominum, Pater,  
Quælo, inquam, miserabili  
Saltem consule uitæ.  
O iustum Dominum & bonum,  
Et primum ueniæ auxili  
Is me & consilij indigum  
Seuo texit ab hoste.

Ergo

Ergo mens tibi reddita  
Mærorem cohibe: & Deus  
Quæ larga tribuit manu  
Donis læta fruare.  
Vitam è faucibus eruit  
Mortis, & lacrymas genis  
Absternit, stabili & pede  
Firmauit tibi gressum.  
Tutus præsidio Dei  
Degam: & polliciti fide  
Fretus non dubia, canam  
Grato pectore laudes.  
Laesus, rebus & asperis  
Afflictus, trepida fuga  
Vitæ prospiciens meæ,  
Sic mecum ipse loquebar,  
Nulli certa homini fides:  
At rerum arbiter optimus,  
Vnus polliciti tenax,  
Vnus fallere nescit.  
Tot liber toties malis,  
Tot auctus toties bonis,  
Quo tandem officio tibi  
Coner soluere grates?  
Te festa dape, te prece,  
Te libamine prosequar:  
Te uitæ columnen meæ  
Grata uoce fatebor:  
Te uitæ columnen meæ  
In cœtu populi tui  
Grata prosequar hostia,

Damnatus tibi uoti.

Electos, genitor, tuo  
Custos præsidio tegis,  
Nec per uim pereuntium  
Manes linquis inultos.  
Tu seruum Dominus tuum,  
Ancillæ sobolem tuæ  
Me, minacibus hostium  
Vinclis eripuisti.  
Te rerum pater optime,  
Semper laudibus efferam:  
Nomen in dubijs tuum  
Vsorpabo periclis.  
Te uoti reus, erutus  
Morti, prosequar hostia,  
Sacri limen ad atrij,  
Sacrè redditus urbi.

PSAL. CXVII. Laudate Dominum omnes gentes, &c. Carm. gen. 10.

O Maes ubi q; gentium  
Quos solis ambit orbita,  
Rerum parentis optimi  
Laudes libenter pangite.  
Agnoscite indulgentiam  
Benignius nos in dies  
Fouentis, & constantiam  
Promissa certam reddere.

PSAL.